



Na osnovu člana 15. stav (1), tačka a) Zakona o odbrani BiH („Službeni glasnik BiH“, broj: 88/05) i člana 141. Zakona o službi u Oružanim snagama BiH („Službeni glasnik BiH“, broj: 88/05, 53/07, 59/09, 74/10, 42/12, 41/16 i 38/18), a u skladu sa članovima 16., 17., 18., 23. i 24. Pravilnika o školovanju kadeta i vojnih stipendista, broj: 10-02-3-1550-41/18 od 26.04.2019. godine („Službeni glasnik BiH“, broj: 34/19) i Odlukom o kriterijima i načinu bodovanja i rangiranja kandidata za vojne stipendiste MO BiH za školovanje u srednjim školama u BiH za zvanje mašinski tehničar za zrakoplov i motor, broj: 10-02-3-953-5/23 od 19.04.2023. godine, a u cilju odabira kandidata/kinja za vojne stipendiste, Ministarstvo odbrane BiH, raspisuje:

JAVNI KONKURS

za stipendiranje školovanja učenika završnog razreda srednjih škola u BiH koji se školuju za zvanje mašinski tehničar za zrakoplov i motor, za školsku 2023/2024. godinu

I – PREDMET KONKURSA

Ministarstvo odbrane Bosne i Hercegovine raspisuje javni konkurs za stipendiranje školovanja 7 (sedam) učenika završnog razreda srednjih škola u BiH koji se školuju za zvanje mašinski tehničar za zrakoplov i motor, za školsku 2023/2024. godinu.

II – USLOVI KONKURSA

- 1. Opći uslovi** su propisani članom 9. Zakona o službi u Oružanim snagama BiH ("Službeni glasnik BiH broj: 88/05, 53/07, 59/09, 74/10, 42/12, 41/16 i 38/18") :
 - a) da je državljanin Bosne i Hercegovine,
 - b) da je zdravstveno sposoban za službu u Oružanim snagama te da je propisno vakcinisan i da nije nosilac zaraznih bolesti,
 - c) da nije osuđivan na безусловnu kaznu zatvora u trajanju dužem od šest mjeseci,
 - d) da nije prethodno otpušten iz državne službe, pravnog lica ili vojske zbog discipline ili povrede službene dužnosti u posljednje tri godine,
 - e) da se protiv njega ne vodi krivični postupak za krivično djelo za koje se goni po službenoj dužnosti,
 - f) da mu pravosnažnom presudom nije zabranjeno obavljanje određenih djelatnosti, odnosno dužnosti za vrijeme trajanja takve zabrane,
 - g) da ima odgovarajuću stručnu spremu potrebnu za obavljanje određene dužnosti. (uslov koji će biti ispunjen po završetku srednje škole).
- 2. Posebni uslovi:**
 - a) završena dva razreda srednje škole za zvanje mašinski tehničar za zrakoplov i motor, odnosno da završava treći razred u vremenu raspisivanja Javnog konkursa,
 - b) da je u dosadašnjem školovanju u srednjoj školi u svakoj godini školovanja imao/la ostvaren najmanje dobar ukupan uspjeh, uključujući i ukupan uspjeh na polugodištu u trenutnoj godini školovanja,

- c) da je u dosadašnjem školovanju u srednjoj školi imao najmanje dobar prosjek ocjena iz matematike, uključujući i ocjenu na polugodištu u trenutnoj godini školovanja,
- d) kandidati/kinje koji trenutno pohađaju III razred srednje škole, po završetku istog moraju odmah, a ne kasnije od 30.06.2023. godine, dostaviti ovjerene kopije svjedočanstva III razreda, preporučeno putem poštanske službe na adresu Ministarstva odbrane Bosne i Hercegovine,
- e) kandidati/kinje koji trenutno pohađaju III razred srednje škole po završetku istog, moraju u svjedočanstvu III razreda imati isti ukupan prosjek ocjena kao i u svjedočanstvu sa polugodišta trećeg razreda koje su predali u dokumentima za prijavu na javni konkurs. Ministarstvo odbrane BiH zadržava pravo na prekid postupka vojnog stipendiranja školovanja kandidata/kinje ukoliko lice nema minimalno isti prosjek kao i na polugodištu trećeg razreda,
- f) poznavanje engleskog jezika (test ALCPT – minimalno 50 bodova),
- g) da je tokom dosadašnjeg školovanja u srednjoj školi imao ocjenu vladanja najmanje dobar, uključujući i ocjenu na polugodištu u trenutnoj godini školovanja,
- h) da je u dosadašnjem školovanju u srednjoj školi imao najmanje dobar prosjek ocjena iz zalaganja i stručnosti iz praktične nastave, uključujući i ocjenu na polugodištu u trenutnoj godini školovanja
- i) poznavanje rada na računaru (Word, Excel, Power Point, Internet),

Napomene: Kandidati/kinje prijavljeni na Javni konkurs biće testirani iz poznavanja engleskog jezika i sa njima će biti obavljen intervju.

Sigurnosnu provjeru za svakog uspješnog kandidata/kinje izvršiće nadležni sektor Ministarstva odbrane Bosne i Hercegovine (po završetku školovanja), a zdravstveni pregled kandidata/kinja koji uspješno prođu testiranje obaviti će nadležna ustanova u organizaciji Ministarstva odbrane Bosne i Hercegovine.

Eliminacioni uslovi za prijem u status vojnog stipendiste predstavljaju zadovoljeni posebni uslovi konkursa, kao i uspješno položeni test engleskog jezika i ljekarski pregled.

Rangiranje kandidata/kinja vršit će se na osnovu kriterija koje će odobriti Ministar odbrane Bosne i Hercegovine i sa kojima će biti upoznati kandidati/kinje koji budu pozvani na testiranja i provjere.

III – ŠKOLOVANJE, PRAVA I OBAVEZE

1. Stipendiranje školovanja traje jednu školsku godinu.
2. Odabrani kandidati/kinje imat će status vojnog stipendiste, čija će prava i obaveze biti regulisane u skladu sa članovima: 73., 142. i 143. Zakona o službi u Oružanim snagama Bosne i Hercegovine („Službeni glasnik BiH“, broj: 88/05, 53/07, 59/09, 74/10, 42/12 i 41/16) i članom 29. Zakona o platama i naknadama u institucijama Bosne i Hercegovine („Službeni glasnik BiH“, broj: 50/08, 35/09, 75/09, 32/12, 42/12, 50/12, 32/13, 87/13, 75/15, 88/15, 16/16, 94/16, 72/17, 25/18, 32/20 i 65/20).
3. Odabrani stipendisti imaju obavezu da po završetku školovanja u srednjoj školi, a prije upućivanja na osnovnu vojničku obuku dostignu standarde propisane Pravilnikom o prijemu u OS BiH, što se utvrđuje posebnim planom provjera. Kandidati koji ne dostignu minimalne propisane standarde fizičke spremnosti isključuju se iz procesa upućivanja na osnovnu vojničku obuku, te se pokreće postupak nadoknade štete.
4. Vojni stipendisti će biti primljeni u profesionalnu službu, nakon završavanja osnovne vojničke i osnovne podoficirske obuke, u početnom činu podoficira Oružanih snaga

Bosne i Hercegovine - vodnik, zrakoplovno-tehničke službe, a nakon toga nastavljaju svoje specijalističko usavršavanje za dužnost u jedinicama Zračnih snaga i protivzračne odbrane Oružanih snaga BiH.

5. Međusobne obaveze kandidata/kinja izabranog/ne za stipendiranje školovanja u srednjim školama u BiH za zvanje mašinski tehničar za zrakoplov i motor i Ministarstva odbrane BiH regulišu se Ugovorom o stipendiranju školovanja.
6. Za vrijeme školovanja vojnim stipendistima su osigurani troškovi školarine u skladu sa članom 29. Zakona o platama i naknadama u institucijama Bosne i Hercegovine („Službeni glasnik BiH“, broj: 50/08, 35/09, 75/09, 32/12 i 42/12).

IV POTREBNI DOKUMENTI

- a) Prijava i lični (biografski) podaci (isključivo po obrascima ponuđenim na www.mod.gov.ba), potpisani od strane zakonskog staratelja ili kandidata lično ukoliko je punoljetan/na,
- b) Ovjereni kopiji svjedočanstva prva dva razreda srednje škole, odnosno, svjedočanstva sa polugodišta trećeg razreda, s tim da je kandidat/kinja u obavezi naknadno dostaviti ovjerene kopije svjedočanstva trećeg razreda, gdje prosjek ocjena ne smije biti manji od prosjeka ocjena sa polugodišta trećeg razreda,
- c) Original ili ovjerena kopija Uvjerenja o državljanstvu, ne starije od šest mjeseci od dana izdavanja, (ovjerena kopija ne može biti starija od naznačenog roka, pri čemu se navedeni rok računa od dana izdavanja od strane nadležnog organa, a ne od dana ovjeravanja kopije istog),
- d) Original ili ovjerena kopija Izvoda iz matične knjige rođenih na novom obrascu, ali ne stariji od 6 (šest) mjeseci,
- e) Original ili ovjerena kopija Uvjerenja da se ne vodi krivični postupak, niti da je potvrđena optužnica, ne starije od tri mjeseca od dana izdavanja od strane nadležnog suda (ovjerena kopija ne može biti starija od naznačenog roka, pri čemu se navedeni rok računa od dana izdavanja od strane nadležnog organa, a ne od dana ovjeravanja kopije istog),
- f) Original ili ovjerena kopija dokaza o prebivalištu (CIPS), izdat od strane nadležnog organa, ne stariji od tri mjeseca od dana izdavanja (ovjerena kopija ne može biti starija od naznačenog roka, pri čemu se navedeni rok računa od dana izdavanja od strane nadležnog organa, a ne od dana ovjeravanja kopije istog),
- g) Dokaz o poznavanju rada na računaru (za kandidate/kinje koji tokom srednje škole nisu imali predmet informatika),
- h) Saglasnost za obradu biografskih podataka/informacija za potrebe procesa konkurisanja za vojne stipendiste, potpisani od strane zakonskog staratelja ili kandidata lično ukoliko je punoljetan/na (isključivo po obrascu ponuđenom na www.mod.gov.ba).

Napomena: Kandidatima koji ne budu izabrani u procesu izbora omogućava se preuzimanje ličnih dokumenata koji su dostavljeni u procesu prijema u roku od 30 dana od donošenja konačne odluke ministra odbrane BiH o izboru kandidata.

V ODABIR KANDIDATA

Odabir kandidata izvršit će Komisija koju će formirati Ministar odbrane Bosne i Hercegovine.

VI PRIJAVA NA JAVNI KONKURS

Sve tražene dokumente treba dostaviti preporučeno putem poštanske službe na adresu:

Ministarstvo odbrane Bosne i Hercegovine

Ul. Hamdije Kreševljakovića 98

71 000 Sarajevo

Sa naznakom „Javni konkurs za stipendiranje školovanja učenika završnog razreda u srednjim školama u BiH za zvanje tehničar za zrakoplov i motor, za školsku 2023/2024. godinu“

Konkurs ostaje otvoren 15 (petnaest) dana od dana objavljivanja. Ispunjavanje uslova utvrđenih ovim Javnim konkursom računa se danom predaje prijave.

Neblagovremene prijave kandidata neće se uzeti u razmatranje. Ukoliko u prijavi i dokumentaciji postoje formalni nedostaci (nepotpuna i neuredna prijava i dokumentacija) lice se poziva da u roku od pet dana ispravi navedene formalne nedostatke i dostavi potrebnu dokumentaciju, u skladu sa Zakonom o upravnom postupku BiH.

Broj: 10-33-2-953-7/23

Sarajevo, 28.04.2023. godine

MINISTAR

Zukan Helez